



KOMENTET E SHOQATËS SË KONTABILISTËVE TË ÇËRETIFIKUAR DHE AUDITORËVE TË KOSOVËS (SHKÇAK) NË PROJEKTLIGJIN PËR NDERYSHIMIN DHE PLOTËSIMIN E LIGJIT NR. 06/L-032 PËR KONTABILITET, RAPORTIM FINANCIAR DHE AUDITIM

DHJETOR 2023

Shoqata e Kontabilistëve të Çertifikuar dhe Auditorëve të Kosovës (SHKÇAK), ka pëgaditur rekomandimet për **Projektligjin për Ndryshimin dhe Plotësimin e Ligjit nr. 06/L-032 për Kontabilitet, Raportim Financiar dhe Auditim.**

SHKÇAK gjatë shqyrtimit dhe analizimit të këtij Projektligji është fokusuar në çështje që ndërlidhen jo vetëm në ndryshimet e propozuara që janë përfshirë në Projektligjin që e kemi pranuar, por edhe në çështje dhe rekomandime të tjera të ndërlidhura me Ligjin aktual Nr. 06/L-032 që konsiderojmë sipas rëndësisë të tyre që duhet të përfshihen në këtë Projektligj dhe janë të domosdoshme për zbatim më efektiv dhe efikas të Ligjit aktual, si dhe përfshijnë standardet të cilat janë ndryshuar dhe pritet të implementohen nga viti 2024.

Përafrimi i standardeve tona të raportimit me SNRF-të jo vetëm që do të lehtësonte krahasueshmërinë, por gjithashtu do të rriste besueshmërinë e pasqyrave tona financiare në skenën globale.

Shprehim gatishmërinë tonë për të bashkëpunuar me Ministrinë e Financave, Punës dhe Transfereve, Grupin punues dhe palët e tjera të interesuara në diskutimin e ndryshimeve të propozuara.

Do të ishim mirënjohës për një mundësi të takohemi për t'i diskutuar më tej këto rekomandime që nëse merren parasysh, do të kontribuojnë në përmirësimin e vazhdueshëm të raportimit financiar, duke promovuar besueshmërinë dhe llogaridhënien.

Faleminderit për vëmendjen tuaj ndaj kësaj çështjeje dhe presim bashkëpunim në finalizimin e Projektligjit për Ndryshimin dhe Plotësimin e Ligjit nr. 06/L-032 për Kontabilitet, Raportim Financiar dhe Auditim.

Ligji (në fuqi) Nr. 06/L-032 për Kontabilitet, Raportim Financiar dhe Auditim	Ndryshimet e propozuara me Projektligjin për Ndryshimin dhe Plotësimin e Ligjit nr. 06/L-032	Ndryshimet e propozuara nga SCAAK	Arsyetimi i ndryshimeve të propozuara nga SCAAK
<p>Neni 10, paragrafi 7:</p> <p>7. Auditorët ligjor dhe firmat e auditimit obligohen të aplikojnë në mënyrë specifike Standardet Ndërkombëtare të Kontrollit të Cilësisë 1 (SNKC1) të miratuar nga KKRF-ja në lidhje me shërbimet e auditimit dhe sigurimit në Kosovë.</p>		<p>Të riformulohet paragrafi 7 i nenit 10:</p> <p>Auditorët ligjor dhe firmat e auditimit obligohen të aplikojnë në mënyrë specifike Standardet Ndërkombëtare përmes Menaxhimit të Cilësisë të publikuara nga IAASB/BSNAS.</p>	<p>Nga data 2 janar 2023, IAASB/BSNAS ka shfuqizuar SNKC1 dhe atë e ka zëvendësuar me 2 standarde të reja ISMQ1 dhe ISQM2. Andaj në Projektligj duhet të zëvendësohet SNKC1 dhe të riformulohet paragrafi ashtu sic kemi propozuar.</p> <p>Për shkak të ndryshimeve të mundshme të standardeve, ShKCAK propozon që të mos përmendet emri specifik i standardit, por të përmenden vetëm Standardet Ndërkombëtare të Menaxhimit të Cilësisë të publikuara nga BSNAS/IAASB.</p>
<p>Neni 1, paragrafi 2:</p> <p>2.1. Direktivën 2006/43/EC e Parlamentit Evropian dhe e Këshillit, e datës 17 maj 2006, për auditimet ligjore të pasqyrave vjetore financiare dhe pasqyrave financiare të konsoliduara, që ndryshon Direktivat e Këshillit 78/660/EEC dhe 83/349/EEC dhe shfuqizon Direktivën e Këshillit 84/253/EEC;</p> <p>2.2. Direktivën 2008/30/EC e Parlamentit Evropian dhe e Këshillit, e datës 11 mars 2008, për ndryshimin e Direktivës 2006/43/EC për auditimet ligjore të pasqyrave vjetore financiare dhe pasqyrave të konsoliduara, lidhur me kompetencat zbatuese dhënë komisionit;</p> <p>2.3. Direktivën 2013/34/EU e Parlamentit Evropian dhe e Këshillit, e datës 26 qershor 2013, për pasqyrat vjetore financiare, pasqyrat financiare të</p>	<p>Neni 1 i Projektligjit, paragrafi 2</p> <p>2. Ky Ligj është pjesërisht në përputhje me Direktivën 2006/43/KE e Parlamentit Evropian dhe të Këshillit e 17 majit 2006 mbi Auditimet Ligjore të Llogarive Vjetore dhe të Konsoliduara, duke amendamentuar Direktivat e Këshillit 78/660/KEE dhe 83/349/KEE dhe shfuqizimin e Direktivës së Këshillit 84/253/EEC.</p>	<p>Propozojmë:</p> <p>Mos të ndryshohet paragrafi 2 i nenit 1 të Ligjit Nr. 06/L-032 për Kontabilitet, Raportim Financiar dhe Auditim</p>	<p>Ndryshimi i këtij neni mund të kthejë prapa procesin dhe mund të reflektojë negativisht në Raportin e Progresit të Komisionit Evropian. Në fq.85 të Raportit për Kosovën për vitin 2022 thuhet mes tjerash “ ... dhe kërkohet përputhje e mëtejshme me acquis të BE-së në të gjitha këto fusha, duke përfshirë raportimin jo-financiar”. Heqja e referencës në tri Direktiva të BE-së me këtë Projektligj do të ishte një hap në drejtimin e kundërt përballë rekomandimeve të Raportit të Progresit.</p> <p>Neni 1, paragrafi 2, i Projektligjit të fshihet, pasi që neni 1, paragrafi 2 i Ligjit Nr. 06-L/032 për Kontabilitet, Raportim Financiar dhe Auditim, është më i saktë, sipas kërkesave aktuale të direktivave të BE-së.</p>

<p>konsoliduara dhe raportet përkatëse të llojeve të caktuara të ndërmarrjeve, që e ndryshon Direktivën 2006/43/EC të Parlamentit Evropian dhe Këshillit dhe shfuqizon Direktivat 78/660/EEC dhe 83/349/EEC;</p> <p>2.4. Direktivën 2014/56/EU e Parlamentit Evropian dhe e Këshillit, e datës 16 prillit 2014, për ndryshimin e Direktivës 2006/43/EC për auditimet ligjore të pasqyrave vjetore financiare dhe pasqyrave financiare të konsoliduara.</p>			
	<p style="text-align: center;">Neni 4 i Projektligjit</p> <p>1. Neni 25, paragrafi 1, nën paragrafi 1.1 i ligjit bazik riformulohet si në vijim:</p> <p>1.1. Planin e aktiviteteve që përfshin përmbushjen e kërkesave që dalin nga ky Ligj.</p> <p>2. Në nenin 25 të ligjit bazik, pas paragrafit 1 shtohen paragrafët 2, 3 dhe 4, me tekstin si në vijim:</p> <p>2. Shoqatat që nuk janë anëtare të FNK-së, në baza dy vjeçare, duhet të angazhojnë organizatë apo shoqatë profesionale me ekspertizë ndërkombëtare për vlerësimin e gjendjes dhe progresit në zbatimin e standardeve profesionale të FNK-së, me fokus të veçantë në plotësimin e kërkesave dhe standardet e vendosura, Deklaratat e Obligimeve të Anëtarësimit (DOA ose SMO). Për shoqatat, të cilat janë anëtare monitoruese të FNK-së, ky vlerësim</p>	<p>Të riformulohet, Neni 4 i Projektligjit, paragrafi 2, pika 2.</p> <p>2. Shoqatat që nuk janë anëtare të FNK-së, në baza dy vjeçare, duhet të angazhojnë organizatë apo shoqatë profesionale me ekspertizë ndërkombëtare për vlerësimin e gjendjes dhe progresit në zbatimin e standardeve profesionale të FNK-së, me fokus të veçantë në plotësimin e kërkesave dhe standardet e vendosura, Deklaratat e Obligimeve të Anëtarësimit (DOA ose SMO). Për shoqatat të cilat janë anëtare monitoruese të FNK-së dhe për shoqatat anëtare të FNK-së me të drejta të plota, vlerësimi dokumentohet përmes dorëzimit të raportit të publikuar nga FNK për Shoqatat.</p> <p>Neni 4 i Projektligjit, paragrafi 2, pika 3, mbetet e pandryshuar.</p>	<p>Meqenëse Projektligji në neni 2, kërkon nga shoqatat zbatimin e Deklaratave të Obligimeve të Anëtarësimit (DOA), anëtarët monitorues dhe anëtarët me drejta të plota do të mbikëqyrren në baza vjetore nga FNK dhe kjo mbikëqyrje dokumentohet përmes raportit të publikuar në faqen zyrtare të FNK, konsiderojmë se angazhimi i një organizate apo shoqate profesionale me ekspertizë ndërkombëtare për vlerësim nuk është i nevojshëm.</p> <p>FNK për anëtarët monitoruese bën mbikëqyrjen vjetore dhe raporti publikohet në web-faqe zyrtare të FNK/IFAC. Gjithashtu për anëtarët e plotë me të drejtë vote, publikohet raporti i vlerësimit në webfaqe zyrtare të FNK-së.</p> <p>Andaj, zbatimi i pajtueshmërisë me kërkesat e DOA-së realizohet nga vet FNK, dhe për anëtarët monitorues dhe të plotë të FNK-së, kërkesa për vlerësim mund të përmbushet nga raporti i dërguar nga FNK.</p>

	<p>kërkohet në baza tre vjeçare, ndërsa për shoqatat anëtare të FNK-së, në baza pesë vjeçare.</p> <p>3. KKRF ka autoritetin dhe mund të kërkoj që për nevojat të saj mbikëqyrëse të kontraktot organizatë apo shoqatë profesionale me ekspertizë ndërkombëtare për vlerësimin e gjendjes dhe progresit të shoqatave të licencuara në zbatim të kërkesave që rrjedhin nga nenet e këtij Ligji, me fokus të veçantë në plotësimin e të gjitha standardeve, udhëzimeve dhe rekomandimet e nxjerra nga FNK-ja</p> <p>4. Pas hyrjes në fuqi të këtij Ligji, shoqatat ekzistuese obligohen që për një periudhë gjashtëmujore të kenë vlerësimin e gjendjes dhe progresit në zbatim të kërkesave për vitin e kaluar që rrjedhin nga nenet e këtij Ligji nga një organizatë apo shoqatë profesionale me ekspertizë ndërkombëtare, me fokus të veçantë në plotësimin e të gjitha standardeve, udhëzimeve dhe rekomandimet e nxjerra nga FNK-ja, për shoqatat anëtare të saj.</p>	<p>Neni 4 i Projektligjit, paragrafi 2, pika 4, riformulohet:</p> <p>Pas hyrjes në fuqi të këtij Ligji shoqatat që nuk janë anëtare të FNK-së obligohen që për një periudhë gjashtëmujore të kenë vlerësimin e gjendjes dhe progresit në zbatim të kërkesave për vitin e kaluar që rrjedhin nga nenet e këtij Ligji nga një organizatë apo shoqatë profesionale me ekspertizë ndërkombëtare, me fokus të veçantë në plotësimin e të gjitha standardeve, udhëzimeve dhe rekomandimet e nxjerra nga FNK-ja, për shoqatat anëtare të saj.</p>	<p>Organizatat / shoqatat aktuale të licencuara nga KKRF, të cilat janë anëtare të FNK-së, monitorohen direkt nga FNK, dhe dorëzojnë me rregull raportet në KKRF dhe gjithashtu, raporti i FNK-së për shoqatat anëtare është i publikuar në ueb-faqen e FNK-së.</p>
--	---	--	---

<p>Neni 30 i Ligjit Nr. 06/L-032 për Kontabilitet, Raportim Financiar dhe Auditim</p> <p>Kushtet</p> <p>1.3. të kenë tri (3) vite përvojë pune nën mbikëqyrjen e një auditori ligjor ose të një firme të auditimit;</p>	<p>Neni 6 i Projektligjit</p> <p>Neni 30 paragrafi 1, nënparagrafi 1.3 riformulohet si në vijim:</p> <p>1.3. të kenë tri (3) vite përvojë pune nën mbikëqyrjen e një auditori ligjor ose të një firme të auditimit, ose në rast se nuk plotësojnë kriterin e përvojës së punës nën mbikëqyrjen e një auditori ligjor ose të një firme të auditimit, atëherë duhet të kenë pesëmbëdhjetë (15) vite veprimtari profesionale të cilat kanë mundësuar përvojë te mjaftueshme në fushën e financave, auditimit, kontabilitetit dhe ligjeve të aplikueshme me kusht që të kenë kaluar provimet për auditorë.</p>	<p>Nënparagrafi 1.3. i nenit 6 të Projektligjit, të plotësohet si në vijim.</p> <p>1.3. të kenë tri (3) vite përvojë pune nën mbikëqyrjen e një auditori ligjor ose të një firme të auditimit, ose në rast se nuk plotësojnë kriterin e përvojës së punës nën mbikëqyrjen e një auditori ligjor ose të një firme të auditimit, atëherë duhet të kenë pesëmbëdhjetë (15) vite veprimtari profesionale të cilat kanë mundësuar përvojë te mjaftueshme në fushën e financave, auditimit, kontabilitetit dhe ligjeve të aplikueshme me kusht që të kenë kaluar provimet për auditorë.</p> <p>Përvoja në 15 vite veprimtari profesionale duhet të jetë e dëshmuar me kompetencat si në vijim:</p> <ol style="list-style-type: none"> 1. Përgatit dhe nënshkruan pasqyrat financiare për përdoruesit në format të përshtatshëm dhe në pajtueshmëri me SNRF/SNK/SNRF për NVM dhe kërkesat ligjore 2. Të jetë anëtar i një shoqate të licencuar nga KKRF. Anëtarësia të jetë aktive nga data e dhënies së provimit për auditor të certifikuar 3. Interpretin transaksionet financiare dhe pasqyrat financiare 4. Përgatit pasqyrat financiare për menaxhmentin 5. Përgatit ose rishikon deklaratat e tatimeve në të ardhurat individuale dhe të korporatës 6. Llogarit dhe përgatit deklaratat tatimore për TVSH 7. Ekzekuton programin ose planin e angazhimit për auditim të pasqyrave 	<p>Listimi i kompetencave kyçe të cilat duhet të dëshmohen nga një auditor i certifikuar, përpara se të licencohet nga KKRF, sipas sistemit të përvojës 15 vjeçare profesionale, është i domosdoshëm. Kriteret specifike janë marrë nga praktikat më të mira në këtë fushë që përfshinë përvojë relevante nga zbatimi i standardeve të sektorit privat, siç janë standardet e raportimit financiar (SNRF/SNK si dhe SNRF për NVM), si dhe ato të auditimit (SNA).</p> <p>Meqenëse ky nen i Projektligjit është marrë nga Neni 11 (nen opcional) i Direktivës së BE-së Nr. 2006/43/EC, pa e marrë në konsideratë përfshirjen edhe të nenit 6 të të njëjtës Direktivë të cilës i referohet Neni 11.</p>
--	---	--	---

		<p>financiare në pajtueshmëri me standardet profesionale (SNA) dhe grumbullon dëshmitë e auditimit</p> <p>8. Zhvillon konkluzione dhe përgatit një raport të auditimit ose shërbimi tjetër të sigurisë sipas standardeve profesionale</p>	
--	--	--	--

	<p style="text-align: center;">Neni 8</p> <p>1. Në nenin 36, paragrafi 3, nënparagrafi 3.11, pas nën-nënparagrafit 3.11.14, shtohet nën-nënparagrafi i ri 3.11.15 si në vijim:</p> <p>3.11.15. nëse nga mbikëqyrja konstatohet dhe ka dëshmi se shoqata e licencuar ka shkelur këtë ligj duke dëmtuar interesat e profesionit dhe sigurimin e cilësisë dhe nuk kanë dëshmuar progres të mjaftueshëm në plotësimin e standardeve dhe Deklaratat e Obligimeve të Anëtarësimit (DOA ose SMO) të FNK-së.</p> <p>2. Në nenin 36, pas paragrafit 9, shtohen paragrafët 10 dhe 11, me tekstin si në vijim</p> <p>10. Në rast të pezullimit ose revokimit të licencës, KKRF në vendimin e pezullimit ose revokimit përcaktohet edhe procedura që do të ndiqet për regjistrimin e anëtarëve në një Shoqate tjetër të licencuar nga KKRF.</p> <p>11. Çështje të tjera specifike për anëtarët e shoqatave që ju revokohet apo pezullohet licenca rrezullohen me akt nënligjor të nxjerrë nga Ministri përgjegjës për Financa.</p>	<p>Propozojmë që paragrafi 10 i nenit 8 të Projektligjit të largohet nga neni 36 i ligjit aktual dhe të vendoset në nenin 33 pas paragrafit 3 të Ligjit Nr. 06/L-032 për Kontabilitet, pasi që nuk u referohet masave ndëshkimore.</p> <p>Paragrafi 10 i shtuar të riformulohet si në vijim:</p> <p>10. Në rast të pezullimit ose revokimit të licencës së Shoqatës të licencuar nga KKRF, KKRF në vendimin e pezullimit ose revokimit përcakton edhe procedurat që do të ndiqet për regjistrimin e anëtarëve në një Shoqate tjetër të licencuar nga KKRF.</p> <p>Procedurat përmbajnë kriteret në vijim:</p> <ul style="list-style-type: none"> - Shoqata e licencuar nga KKRF ku anëtarët duan të anëtarësohen pas pezullimit të licencës të ndonjë shoqate tjetër, mban të drejtën të testoj nivelin e njohurive sipas kurikulimit të saj. - Një provim gjithëpërfshirëse për nivelin përkatës -Dëshminë e vijueshmërisë së Edukimit të Vazhdueshëm Profesional (EVP) në 3 vitet e fundit. -Dëshminë e kalueshmërisë së provimeve/ transkripta. -Transkripta e përvojës së punës praktike sipas SNE-ve. <p>11. Të largohet ky paragraf, pasi që të gjitha kriteret specifike janë përcaktuar në paragrafin 10.</p>	<p>Ky paragraf nuk u referohet masave ndëshkimore.</p> <p>Në lidhje me paragrafin 10: Duke u nisur nga fakti që Shoqatat e licencuara kërkohet të jenë të regjistruara si OJQ, atëherë sipas ligjit për lirinë e asociimit ata mbajnë të drejtën të vendosin kriteret e tyre për njohje të titujve të fituara në shoqatat tjera.</p> <p>ShKÇAK si anëtare e FNK-së, dhe federatave tjera ka kriteret rigoroze për implementimin e DOA-ve si dhe në rast se i aprovon anëtarët nga shoqatat tjera duke mos i implementuar këto kriteret rigoroze e rrezikon anëtarësinë e vet në federata.</p> <p>Propozohet të hiqet paragrafi 11, Formulimi i paragrafit 11 neni 8 “çështje tjera specifike “ lë hapësirë për interpretime te gjera sa i përket autorizimeve të ndërlidhura me revokimin / pezullimin e licencës. Poashtu pasi që të gjitha kriteret specifike janë përcaktuar në paragrafin 10.</p>
--	---	---	--

<p>Neni 33 Statusi i shoqatave</p> <p>1. Shoqatat licencohen nga KKRF-ja, me përmbushjen e këtyre kushteve:</p> <p>1.1. KKRF-ja duhet të sigurohet se shoqata ka përmbushur të gjitha kërkesat sipas këtij Ligji si dhe ka plotësuar të gjitha standardet, udhëzimet dhe rekomandimet e nxjerra nga FNK-ja, për shoqatat anëtare të saj;</p> <p>1.2. KKRF-ja duhet të sigurohet se anëtarët e çdo shoqate të veprojnë në pajtueshmëri me kodin e mirësjelljes profesionale dhe me kodin e etikës së FNK-së.</p> <p>2. Së paku një (1) herë në pesë (5) vite shoqatat angazhojnë një kontabilist profesional nga një vend që ka arsim, provime dhe kualifikim profesional ose një shoqatë profesionale në fushën e Kontabilitetit dhe Auditimit dhe kërkesë të përvojës ngjashëm me ato të përcaktuara me nenet e këtij Ligji për të mbikëqyrur zbatimin e standardeve dhe procedurave siç përcaktohet me këtë ligj.</p> <p>3. Në rast të mos përmbushjes së kërkesës për anëtarësim në FNK sipas dispozitave të këtij Ligji, shoqatës i revokohet licenca nga KKRF.</p> <p>4. KKRF-ja obligohet të bashkëpunojë me institucionet arsimore në fushën e kontabilitetit dhe auditimit.</p>		<p>Në nenin 33 të Ligjit Nr. 06/L-032 për Kontabilitet, Raportim Financiar dhe Auditim të shtohet një paragraf i ri:</p> <p>5. KKRF obligohet që brenda 5 ditëve pas marrjes së vendimit, të publikojë vendimin e pezullimit apo revokimit të licencës së Shoqatave.</p> <p>Paragrafi 2, të riformulohet:</p> <p>2. Së paku një (1) herë në pesë (5) vite shoqatat të cilat nuk janë anëtare të FNK-së, angazhojnë një kontabilist profesional nga një vend që ka arsim, provime dhe kualifikim profesional ose një shoqatë profesionale në fushën e Kontabilitetit dhe Auditimit dhe kërkesë të përvojës ngjashëm me ato të përcaktuara me nenet e këtij Ligji për të mbikëqyrur zbatimin e standardeve dhe procedurave siç përcaktohet me këtë ligj.</p>	<p>Propozojmë që Shoqatat e licencuara nga KKRF me anëtarësi në FNK, të largohen nga obligimi i raportimit çdo pesë (5) vite pasi që ato monitorohen drejtpërdrejtë nga Federata Ndërkombëtare e Kontabilistëve (FNK).</p>
---	--	--	--

<p>Neni 24 i Ligjit Nr. 06/L-032 për Kontabilitet, Raportim financiar dhe Auditim</p> <p>Bordi për Mbikëqyrje Publike</p>		<p>Ky propozim nuk është trajtuar në Projektligj:</p> <p>Neni 24 i ligjit aktual në fuqi të largohet komplet, dhe Bordi për Mbikëqyrjen Publike të jetë i rregulluar me një ligj të veçantë si organ i pavarur.</p> <p>Propozimi bëhet sipas Direktivës së auditimit 2014/EU dhe praktikave me të mira të gjitha shteteve të zhvilluara.</p>	<p>Meqenëse KKRF e bën licencimin e auditorëve dhe shoqatave, mbikëqyrja e auditorëve duhet të jetë e pavarur.</p> <p>Propozojmë që të zbatohen praktikat më të mira dhe direktivat e BE-së që përcaktojnë se Bordi i Mbikëqyrjes Publike (BMP) duhet të jetë organi i pavarur dhe i veçantë, përgjegjës për kontrollin e cilësisë së auditorëve ligjor dhe firmave ligjore të auditimit. Në aspektin statutor, KKRF dhe BMP kanë nevojë të kenë statusin e dy agjencive.</p> <p>KKRF- duhet të jetë standrad-vënës, ndërsa bordi mbikëqyrës (BMP) të jetë licencues dhe mbikëqyrës.</p> <p>Praktikat më të mira në vendet e zhvilluara përcakton organet ombrellë për standard-vënësit dhe për mbikëqyrësit. Organet standard-vënëse janë nën BSNK/IASB përderisa organet mbikëqyrëse në FNRPA/IFIAR (Forumi Ndërkombëtar i Rregullatorëve të Pavarur të Auditimit).</p>
<p>Neni 24 i Ligjit Nr. 06/L-032 për Kontabilitet, Raportim financiar dhe Auditim</p> <p>Bordi për Mbikëqyrje Publike</p>		<p>Të shtohet paragrafi 13, pas paragrafit 12:</p> <p>13. BMP delegon përgjegjësitë e kontrollit të cilësisë së auditorëve ligjor dhe firmave ligjore të auditimit të cilët kanë kryer auditime të ndërmarrjeve që nuk janë ndërmarrje me interes publik (JO-SIP), te shoqatat e licencuara nga KKRF. BMP mbikëqyr procesin e kontrollit të cilësisë të kryer nga Shoqatat.</p>	<p>KKRF të ndjek shembullin e vendeve fqinje dhe atyre të BE-së dhe të delegoj përgjegjësinë e sigurimit të cilësisë të auditimit të ndërmarrjeve tjera që nuk janë ndërmarrje me interes publik (JO-SIP) tek Shoqatat profesionale të licencuara nga KKRF që janë anëtare të FNK-së. Në këtë mënyre do të mund të zbatojnë kërkesat ligjore për raportim për sigurimin e cilësisë së anëtarësive të tyre.</p>

<p>Neni 30 i Ligjit Nr. 06/L-032 për Kontabilitet, Raportim financiar dhe Auditim</p> <p>10. KKRF-ja revokon licencën e një firme të huaj ose vendore të auditimit, ose auditorit i cili është i licencuar në pajtueshmëri me këtë Ligj në çdo kohë, nëse firma e auditimit ose auditori ligjor nuk do të jetë më anëtar i një shoqate në Kosovë, ose e shkel pavarësinë e auditorit ligjor, etikën dhe kërkesat për sigurimin e cilësisë të përcaktuar nga KKRF-ja dhe më nuk i përmbush kushtet e përcaktuara me këtë nen.</p>		<p>Neni 30, riformulohet paragrafi 10:</p> <p>10. Licenca lëshohet për një afat të pacaktuar dhe KKRF-ja revokon licencën e një firme të huaj ose vendore të auditimit, ose auditorit i cili është i licencuar në pajtueshmëri me këtë Ligj në çdo kohë, nëse firma e auditimit ose auditori ligjor nuk do të jetë më anëtar i një shoqate në Kosovë, ose e shkel pavarësinë e auditorit ligjor, etikën dhe kërkesat për sigurimin e cilësisë të përcaktuar nga KKRF-ja dhe më nuk i përmbush kushtet e përcaktuara me këtë nen.</p>	<p>Propozojmë që të implementohen edhe në Kosovë praktikrat e mira të vendeve të zhvilluara ku licencimi nuk ka kohëzgjatje. Çështja e validitetit të licencës së auditorit do të duhet të ndërlidhet me praktikimin e profesionit me integritet, etikë dhe sipas standardeve përkatëse. Mbajtja e licencës realizohet përmes përmbushjes së kërkesave të reputacionit të mirë, edukimit të vazhdueshëm profesional si dhe rezultateve të punës nga Kontrolli i cilësisë e cila realizohet së paku një herë në tre (3) vite nga Autoriteti kompetent i paraparë sipas Ligjit në fuqi me ç’ rast edhe nënkuptohet vazhdimësia e licencës së auditorit dhe/ose firmës së auditimit.</p> <p>Ligji Nr. 06/L-032 për Kontabilitet, Raportim Financiar dhe Auditim përmes dispozitave të tij i përcakton kërkesat për licencimin e Auditorëve ligjor dhe firmave vendore dhe të huaja ligjore të auditimit, përderisa, <i>Udhëzimi administrativ nr.01/2019 për Licencimin e auditorëve ligjor dhe firmave vendore e të huaja ligjore të auditimit i përcakton kërkesat për vazhdimin e licencës së auditorëve ligjor dhe firmave ligjore të auditimit në bazë vjetore.</i></p> <p>Auditorët ligjor dhe firmat ligjore të auditimit janë të obliguar që për çdo vit të aplikojnë për vazhdim të licencës duke kompletuar të njëjtat dokumente sikur edhe për vitet më parë dhe të paguajnë tarifave të larta për vazhdim të licencës. Kjo praktikë krijon ngarkesë të dukshme për auditorët dhe firmat e auditimit si në aspektin kohor ashtu edhe në atë financiar.</p>
---	--	--	--

<p>Neni 17, paragrafi 1 Ligjit Nr. 06/L-032 për Kontabilitet, Raportim financiar dhe Auditim</p>		<p>Ky propozim nuk është trajtuar në Projektligj:</p> <p>Propozojmë që afati i dorëzimit të pasqyrave të audituar të shtyhet. Konkretisht propozojmë që ne paragrafin 1 të nenit 17 të ndryshohet data e dorëzimit, në vend të 30 Prill të jetë më 30 Qershor.</p> <p><u>“jo me vonë se 30 Qershor të vitit vijues për vitin paraprak.</u></p>	<p>Mendojmë që kërkesa për shtyrje të datës për dorëzim të Pasqyrave të audituara në KKRF është shumë arsyeshme me faktin se shumica e bizneseve në Kosovë nuk i përgatisin pasqyrat financiare për vitin paraprak para fundit të muaj mars të vitit vijues, momenti kur duhet të raportohen në Administratën Tatimore të Kosovës (ATK). Bazuar në këtë fakt mbetet kohë e pamjaftueshme për auditim të pasqyrave financiare të klientëve për t’i përmbushur të gjithat kërkesat e SNA-ve dhe Standardeve tjera të BSNAS/IAASB.</p>
---	--	---	---